

平谷縣志

卷一



平谷縣志序

方志者地方之史也。梁啟超氏曰：有良方志，然後有良史。故方志者，又國史之基也。昔章實齋創州縣立志科之議，識度實絕。誠保存地方史之善法。惜百餘年來，卒無起而行之者。於前歲全國內政會議，議決各省市縣設立文獻委員會組織法，由行政院通過施行。實齋之議，而今竟見諸功令，惟各縣之文委會，雖經成立，多未厲行，亦等於虛設而已。則甚矣保存地方史之難也。余服官河北，數載於茲，曾赴各縣視察政務，對於文獻，素所關心。於客歲三月奉檄來長是邑，接篆後披覽邑乘，查係民

平谷縣志

卷一序

一

國九年所修，嗣閱卷宗，又悉前任於二十年曾聘王紳濟時，重纂新志，業經脫稿，祇未付梓，竊甚惜焉。第是既有原稿，再為補編，完成此舉，非特前功不棄，亦於近事無遺。遂決以修輯印行為己任，不意邊氛日逼，蕞爾小邑，儼成軍事重地。至五月戰亂愈迫，以致易地辦公。迨七月復回任所，滿地瘡痍，百方補救。此時邑志雖欲修，而何暇修哉。然而並未一日忘也。嘗思平邑為冀北極邊之地，政策所施，實以綏靖地方，發揚文化為最要。即抱定此旨，銳意進行。於巡視時，亦諄諄以此諭衆，以期上副長官委任之重，下慰邑人望治之殷。所幸兵燹之餘，民風之樸厚。

依然政務之推行無阻。是以不及一載。縣府內部已整飭就緒。而轄境一切政務亦無不略復常軌。惟此修志之舉。尚有志而未遂。方籌辦間。適奉

省府重修縣志之明令。復延前修志局總纂王紳濟時。總纂其事。賴其潛心搜討。紀事徵實。又參酌新舊方志之體裁。另定目錄。所列之門類。條理井井。較諸舊志。益臻美備。從茲平邑文獻。更覺燦然可觀。有心世道之君子。欲考盤西遺跡。洵北流風者。覽是書可以知其梗概矣。至於後之賢邑宰。本實齋之意旨。責成文委會。切實保存地方史料。以備他年修志有所依據。是則

平谷縣志

卷一 序

二

余所深望也夫。

中華民國二十三年九月。平谷縣縣長山左陵縣李興焯識於  
漁陽官廨。

平谷縣志序

平谷志自有清中葉以後歲久失修於民國五年邑長沈幼香倡議續修旋去任而中止由是三易縣令咸任職未久無暇議此至九年邑長王翊漢置局興修屬僕纂輯書成未梓王公擢道尹赴江蘇事又寢息至十五年邑長陳郭光籌貲付印踰歲出版是役也作輟歷數載之久其書始印行可見完成之難此僕前番修志之原委已樹再修新志之基礎也又於二十年斐君李邑長奉憲令編輯邑乘以為修河北通志之準備並頒修志門類按類編纂復延僕總纂其事僕以體例殷繁限期短促

平谷縣志

卷一序

三

而覆餗是懼迭辭弗獲於是鍵戶月餘息息藏事送之省府乃邀嘉獎縣長記功斐君邑長猶深自謙抑不攘人美歸功於僕報之省府又授僕以獎章此皆非初意所料及也今邑長復一李公徵此新志稿於僕因慨夫客歲事變書籍遭毀無異秦火之燔經幸此稿置於書畫篋中運往燕京未曾散失特重為釐定復增輯至二十三年各事蹟共地理經政社會物產人物藝文六綱析為四十類體例內容均較舊志加詳庶稍免罅漏之譏以副公關懷文獻之意僕因之重有感矣斐君邑長來尹斯土卓著政聲於二十二年元旦

于主席擇優授獎。冀全省僅十縣長。斐君榮列第三。堪稱循良之選。而獨於邑志編竣。既邀嘉獎。不議開雕。識者謂其視邑乘亦等諸例牘。顧考成而已。君子深為斐君惜。以視復一邑長。攝篆伊始。正置邊陲。告警師旅雲集。措置裕如。迨乎風雲陡變。隨軍轉移。及大局稍定。奉檄回任。益州重逢。商民鼓舞。斯時公廨及各局所。鞠為茂草。公乃不憚勤勞。苦心整頓。迄今一載。百廢俱興。而尤汲汲於邑之新志。亟謀付梓。竟全功垂久遠。使後世有所考鏡。則與一意於簿書期會者。迥乎不同也。茲命工剞劂。行將出版。適值金風報曉。百穀登場。合境豐稔。簪筆者亦為之。

平谷縣志

卷一

序

四

誌慶民國二十三年九月。邑人濟時甫王兆元識。

重修誌書弁言

丙午之秋九月既望余由東粵蒞任平邑試觀山川地理城郭形勝以至紳衿黎庶與夫土俗習尚猶有近古風意一日者因棊堂政事暇披邑誌帙其中所編紀自元及明筆於隆慶年歲由後缺而不載歷更甲子一週餘東筆鮮其人迨詳覽者久之遂奮然起續補之志時公務殷繁蓋有志焉而未逮越今年丁未恒陽李公諱柱明者承學任以教化為大務會逢朔期與紳博弟子輩商確厥事僉曰甚善余志遂果於續補猶未之竟成俄而上台以文書馳至有修補誌書之令爰與李公登堂纂輯

平谷縣志

卷一 序

五

命邑庠之老成經歷者敷陳軼事採訪時尚詳其所當詳畧其所當畧凡邑中之山水形景昭然不改宮室廟宇像貌猶存者仍載之以備觀瞻若夫循良治績科名甲第以及明經宦遊者綴補七十餘載事至於錢穀兵刑簿書會計依制叙入下而里巷之謳吟與士女之節孝有關風化者則續補之未幾而事竟成矣愜余志共愜紳博弟子輩志是余有志與李公相聚而謀則成誌也爰命工剞劂以著一代重修之誌云

清康熙六年歲次丁未秋月知平谷縣事關中金明任在陞書於仕優軒

重修平谷縣志序

古有列國史繼為郡邑志志以紀事也事蓋乘時也時遞轉則事遞新故創於前不可無輯於後期於踵事增華紹明前規也平志起於明隆慶之六年重修於萬曆之二十年迄今蓋七十餘載矧大清定鼎百度維新豈邑乘一書仍蹈舊轍而不思所以纂修之乎雖妙峰瑞屏碣石洵水諸勝跡未之或改然其間戶口之登耗賦役之煩簡與夫賢良循吏忠臣孝子義夫節婦暨水旱浸祥陵谷桑田之變未列史冊者比比然兼之字畫剝落多魯魚豕亥之訛編次失倫貽掛一漏萬之誚何以徵文獻

平谷縣志

卷一

序

六

而詔來茲則今日者誠釐舊更新之一會也幸邑侯任公以三秦宿儒剖竹盤陰桑下雉嬌河陽花秀其循績俱在民口碑間忽於琴心暇暢毅然以修志為己任適奉有諸上臺纂輯之命公喜而言曰吾願可藉此以成矣因以採集屬之紳衿謬以校勘責諸不慧而訂其簡蔓正其得失易鄙俚為雅馴悉出公手要以賞賢絀奸信今傳後無失吾尼父春秋家法而已今一展讀之則見其簡而周詳而整臚列嚴明殊無剩義嗣是采風者瞭然顛末而無燭前暗後之虞尹茲者居今稽古而獲調停鈞節之術且使邑之人覽曰若俗美若俗惡若人正若人邪當必

踴躍竦息法戒分途則是志之用意微立教遠也舉昔七十餘載之曠典一旦增而完美焉他年國乘昭垂非留錦製鮮鮮耶編竣余固樂觀厥成爰述其重修之由公以余為知言遂弁而壽諸梓

清康熙六年歲次疆圉協洽南呂月平谷縣儒學訓導恒陽李柱明書於澹寧公署

平谷縣志

卷一序



補修平谷縣志序

今天下四海昇平，萬邦効順，星垂聯璧之祥，河獻澄清之瑞，苟非德教淪浹，聲名洋溢，烏能臻此美盛哉！聖天子猶不自暇逸，勵精圖治，賢執政冀得人而事，銳志搜羅，余以郡博微員，謬廁薦牘，荷皇上隆恩，召見勤政殿，天語溫和，疊承清問，敬陳一得之愚，遽獲九重之譽，小臣何人，能不感激殊遇，更為清慎自矢乎！况余才短識庸，驟膺民社，恐錦難學，製履深憂耳，幸值蕞爾之隅，實掩簿書之拙，下車後披閱邑乘，見夫有明一代科甲繩繩，且多顯秩，暨閱國朝所載，不但售槐捷柳者罕有其人，即

平谷縣志

卷一 序

八

歲薦思擢，以及忠孝節義之倫，亦落落晨星，空編白簡，將何以傳示來者耶！屈指康熙丁未，令博諸公踵事補修，至雍正戊申，前後六十餘年之久，事實概未採錄，行懼其湮沒而不彰也。微邑紳衿，請余亦將整殘續缺，謀之剗剗，以備一代之徵。矧紳衿頻以補修為請乎！余越疆末土也，僻處東南偏境，素慕燕趙雷封，雖無馴雉遊魚之異，頗有修廢舉墜之心，標功名耶，闡德行耶，紀文章耶，表人物耶，非長吏之責而誰責乎！爰出囊俸，哀集衆捐，總六十餘年中事實，備為採錄，付梓以期毫髮無遺。余之志也，計向來罅漏，一時未能補綴，姑舉其可考者，俾後之人見

美而法見不善而懲由是風俗益歸於厚人心益進於醇四海  
萬邦沐浴昇平之化翱翔効順之風庶幾報聖天子於萬一耳  
是為序

清雍正六年九月署順天府薊州平谷縣事錢塘項景倩題於  
漁陽公署

平谷縣志

卷一序

九

續補平谷縣志紀畧

邑之有誌猶國之有史也上古結繩而治不可考矣尚書其紀傳之祖乎春秋其編年之宗乎周禮職方氏度天下山川險易戶口阨塞之數畫為版圖行人採四方風俗上之太史邑之有志暨四庫全書典墳邱索無以尚之近奉諭旨考證日下舊聞核寔纂輯使天下萬世知皇都閎麗信而有徵凡畿輔州縣星羅碁布無不各因志乘追尋往蹟遙溯前徽以煥文治之光華叢爾平邑舊誌殘缺未經釐訂康熙六年歲次丁未邑令任公

平谷縣志

卷一序

十

在陞敷陳軼事命工剗劂雍正六年歲在戊申邑令項公景倩復為採錄付之梓人皆因前明隆慶遺文踵而續之迄今五十年矣愚以中州鄉薦才識譎陋承乏茲邑於課耕課讀勸紡勸織之暇集諸紳士廣為採擇奈簡斷編殘文獻不足僅即數十年之文武職官恩拔歲貢籍貫姓名任事考授年月補而增之至於闕則仍闕以俟後之宰是邑者具經天緯地之才著立海垂雲之概遐稽近考舉元明諸公之餘文本朝諸公之著述重為鉅章鴻裁以副我皇上稽古右文之至意是則愚之所厚望也夫

清乾隆四十二年歲次丁酉桂月知順天府北路廳平谷縣事  
河南嵩邑伊臯朱克閱書於漁陽之鳴琴軒

平谷縣志

卷一序

十一

續修平谷縣志序

平谷縣志創於明隆慶六年重修於萬曆二十年清康熙六年邑長任公在陞復為釐訂雍正六年邑長項公景倩乾隆四十二年邑長朱公克閱踵事增輯此後失修已一百三十餘載微獨陵谷易處滄桑變遷無由考證而忠義節烈潛德嘉言亦將歸泯泯矧有清末造變政維新迨共和成立國體改革地方政務日見劇繁若學警自治諸端其機關設置之時代組織之職員不有紀述何以昭示來茲民國五年邑長沈公銓洞鑒及此爰議續修請於尹憲志襄王公深為嘉許乃延邑紳調查事蹟

平谷縣志

卷一 序

北元曾膺採訪後以沈公去任未竟全功繼任者李公樹珽奉令敦促成書復延士紳續輯北元仍為採訪而李公旋調永清又中輟後之官斯土者均未關懷邑乘續修之事遂寢焉自清中葉迄今邑之文獻無徵雖屢議編輯而卒未成書良可慨也九年夏月浙省王公沛來尹茲邑有舉墜振衰之志與北元會晤之初詢以邑志修至何年遂詳陳之公乃銳意續修復請尹憲備案置修志局屬以總纂其事北元識譎才幹奚足勝任顧自為採訪留心軼事積有文稿甚夥又舊志原梓刊殘字跡零落讀之甚難因思補之為將來修志基礎時加參閱胸中略

具成竹故奮操觚之技於是考諸頽碑斷碣徵之各種書籍將  
舊志之殘闕補竣其訛略處亦稍事損益列於新志之前又原  
有輿圖已不適用另繪全縣地圖暨縣城圖至是番之續纂非  
第乾隆以後之事蹟按類編輯即從前之事蹟亦加增補三閱  
月而歲事兆元於此三月中策蹇調查閉戶校訂焚膏繼晷以  
期速竣惟見聞舛陋未能博採遐稽仍待宏達君子復加蒐輯  
匡厥不逮是所深幸也並序其緣起作輟以識成書之不易民  
國九年十二月邑人王兆元撰於修志局

續修平谷縣志序

凡覘人國者必先考其沿革察其政治明其山川人物之美惡觀其風俗教化之良窳而後其國之興衰強弱可知矣一國如此一縣亦然今有人焉於其縣之沿革不知政治不講山川人物之不悉風俗教化之不修而謂吾知此縣事焉可乎平谷為禹貢冀州之域開化最早據盤山之險形勢極優自唐宋遼金以來為兵家所必爭之地而豐功偉績照耀簡冊者代不乏人至其物產之美風俗之淳猶其餘事奈何近百年來而奇偉卓異之士不見稱於當世哉噫蓋由士無奮勉競進之志而官斯

平谷縣志

卷一 序

十四

土者復不引為己責力倡文化此士風所以不復振也余自丙寅孟夏奉鎮威軍團長命來守斯邦當是時也軍書旁午戎馬倉皇于勞軍撫民之餘每欲考其政治沿革渺乎其不可得蓋縣志之失修與夫修而屢輟者不知幾經歲月矣幸邑紳王君濟時關心此事自任收檢殘編慘澹經營不日脫稿舉數百年數十年應修而未修者一旦燦然成書以垂久遠其愉快為何如也茲於用付剞劂之先爰綴數言以為序

民國十五年冬月平谷縣知事東豐陳玉符自識

凡例

一是書摺據資料約分四種一民國二十年河北省府令獎妥  
適可採之余著平谷志料一河北省府出版之河北月刊登  
載余所撰文稿一北平民社出版之縣鄉自治月刊登載余  
所撰文稿一迨錄舊志中應存各事蹟其門類則斟酌新舊  
方志義例按之平谷實際折衷釐訂計分六綱四十類附目  
三以期開卷瞭然無淆覩記

一平邑舊志分野門內所引晉書天文志云尾箕幽燕也自尾  
十度至南斗十一度為析木於辰在寅燕之分野屬幽州漁

平谷縣志

卷一

凡例

一

陽尾三度費直謂起尾九度蔡邕謂起尾四度此指漁陽一  
郡而論猶紛歧若斯析至一縣直無分野之可言又按星野  
之說有繫之五星者有繫之北斗者有繫之二十八宿者又  
有星屬事類之分野則兼五星北斗因時占候皆天官家言  
呶呶聚訟總歸扣槃捫燭而已吳恭亨於其慈利新志體要  
曰詳地略天所以矯舊志斤斤於星野之非也茲從刪

一方志所列八景率多支離附會近來編纂新志頗有翦芟者  
考平邑八景如盤陰積雪石室清風鼓頂朝雲峨眉聳翠峯  
臺夕照獨樂晴波咸有實蹟可尋且有闕風景况洵水晚渡



能達津海商埠。靈泉漱玉。用以灌溉田園。尤應紀載。故附於山河古蹟各條之中。

一關隘在地理中。雖為重要。惟舊志邊防一門。所載之關寨。按今縣界。只峨嵋山寨。在平谷轄境之內。其餘均歸薊縣密雲管轄。以地非所屬。附載於古蹟之後。不另列門類。

一民國九年。余纂之平谷續志。凡舊志目錄。概未更易。故另增新政一門。夫古今政治。由略而詳。由疏而密。乃勢所必至。民國以來。朝令夕更。今之所謂新政。轉瞬又為陳迹。則新政亦經政也。不必別開蹊徑。此番編輯。將學校警察會計自治農

# 平谷縣志

## 卷一 凡例

二

林商會保衛黨務諸端。歸入經政門內。以免冗複。

一災異一門。遠法春暨前史五行志。近年國民政府頒布之修志事例概要中。亦有此條目之規定。茲為記載。以供科學家之研究。

一人才為邑乘之光。宜博採詳誌。平谷於明隆慶萬曆兩次修志。清康熙雍正乾隆三次續修。均載明代進士十六人。已經屢次之考定。堪為信史。此番修志。調查金石。又見修城隍廟寢宮記碑。係賜進士出身。戶部浙江清吏司主事。邑人張磐書。萬曆三年立石。既鑱於石。洵足為據。而舊志所載明代進

士並無其人。茲編入人才志內。因慨進士部曹亦非尋常邑志竟致遺漏。以見士之湮沒不彰者多矣。奚止一張磐也哉。一節婦貞女。風化攸關。為方志所必書。自國民政府不予褒揚。後論者有刪除之議。余以舊志所載列女。或奉親盡孝。婦以代子。或撫孤成名。母以兼師。且能杜彼侵謀。保守遺產。教子惟忠克勤。王事皆堪。矜式人羣。不專以節烈稱也。故仍詳載其表傳。又見河北通志叙例草案中。於列女有今也苦其多。異日恐苦其少矣之語。余覽之有深慨焉。一名宦亦此邦之人物也。樹政績於是鄉。取繫地主義。為志例

# 平谷縣志

## 卷一 凡例

三

所應載。論者又何必以不隸土籍為嫌。有不列人物之議。且臚舉循良之績。須列傳以紀其事。與人物之列傳同。茲載官績傳於人物志中。較為允協。

一是編以一手足之烈。所纂成平邑僻在山陬。既未設圖書館。又無藏書之世家。可供假借。每有疑義。無從考據。欲求精博。戛戛其難。矧又限於學識。良多疎漏。尚望大雅。糾謬繩愆。是誠此書之幸也。

民國二十三年九月。平谷縣修志局總纂王兆元撰。

第卷一	封面	集明工部尚書倪光薦書修城記碑字
第卷二	上封面	集河南按察司李興焯題詞
第卷二	下封面	集明延安府通判倪恩書東嶽行祠記碑字
第卷三	封面	集明平谷縣丞李臯書岱嶽行祠記碑字
第卷四	封面	集明平谷縣政府秘書楊鍾祥題詞
第卷五	上封面	集明山東金鄉知縣王沂書明倫堂記碑字
第卷五	下封面	集明寧晉縣長李剛題詞
第卷六	上封面	集清高陽縣長李大木題詞
第卷六	下封面	集清前三河縣長唐玉書題詞
第卷六	下封面	集清豐潤縣丞陳景伊書水塔寺記碑字

平谷縣志

卷一 目錄

一

第卷一	簡端	集明太常少卿黃養正書興善寺記碑字
平谷縣志	序	李興焯題詞
凡例		
平谷縣長	李興焯近影	
王仲宣	草書中堂	
陳孟陶	草書扇面團扇	崔壽山行書中堂二幀
王濟時	秋林新雁圖畫扇	喬篆清十八學士登瀛洲中堂
平邑古蹟	風景照片十幅	

平谷縣志目錄

平谷縣志

卷一  
目錄

全縣地圖

縣城全圖

卷一

地理志

沿革

疆域

市鄉

面積

山脈

河流

平谷縣志

卷一 目錄

二

交通

古蹟

關隘附

名勝

卷二

經政志

城署

學校

書院

倉儲

惠政附

平谷縣志

卷三

社會志

戶口

民生

禮俗

宗教

方言

氏族

災異

職官

賦稅

警察

自治

會計

農林

商會

保衛

黨務

卷一  
目錄

卷四

物產志

卷五

人物志

科第

中學以上畢業

人才  
列傳附

武功

善蹟

平谷縣志

卷一 目錄

四

卷六

列女

流寓

宦績

藝文志

文類

詩類

金石

志餘  
璣記

平谷縣志卷一

地理志

沿革

自古建置都邑必因山河之形勢平谷南東北三面環山層巒疊嶂資為屏藩洵天然之疆界設置縣治遠在漢初迨隋唐以迄有明雖屢裁省旋仍置縣其終不得而易者形勢使然也志沿革

平谷縣舊名漁陽者係古漁陽郡地

漁陽古屬冀州唐曰幽都命和叔宅朔方虞舜分冀東北暨無

平谷縣志

卷一 沿革

問之地為幽州平谷在域中

夏商俱屬冀州

周武王封召公奭於北燕至戰國燕惠王置漁陽郡

秦滅六國分天下為三十六郡仍置漁陽郡二世元年遣陳勝

率閭左戍漁陽

綱鑑註漁陽今順天府薊州按平谷曾屬薊州

漢高祖封臧荼為燕王五年滅荼以其地封盧綰十二年綰亡

復為漁陽郡領縣十二平谷其一邑名平谷自此始

後漢仍置漁陽郡平谷隸焉





三國魏漁陽郡併入燕國仍置平谷縣

晉初省平谷縣後復置屬燕國

北魏初平谷屬漁陽郡太平真君七年省平谷入潞縣

按潞縣原在今通縣地北魏時已移徙於今三河縣地

隋大業三年置漁陽郡統縣一無終

隋書地理志無終縣有洵河如河按一郡只統一縣洵如皆

平谷水名則是時平谷又省入無終矣

唐高祖武德初廢漁陽郡省入幽州玄宗開元十四年安祿山以郡叛

平谷縣志

卷一沿革

二

明隆慶平谷舊志唐廢平谷為大王鎮入漁陽縣

梁時為劉仁恭所據稱燕王

五代後唐滅燕復為幽州

石晉天福中以河北十六州割與契丹迄漢周及宋皆不能取

宋徽宗宣和五年金人來歸燕及涿易檀順景薊之地

金大定二十七年復為縣仍名平谷屬薊州

金史以漁陽縣之大王鎮置平谷縣峪同谷爾雅釋水注谿

曰谷或從山是也

元初併平谷入漁陽縣至元元年改燕京路為中都九年改中

都為大都二十一年置大都路總管府領縣六州十薊州領平谷等縣

明洪武初改大都路為北平漁陽縣省入薊州領縣四平谷屬焉十年省平谷入三河十三年復置平谷縣永樂元年以北

平為北京改北平府為順天府領州五縣二十二平谷屬薊州清康熙十五年分平谷等縣屬通永道雍正四年以通永道專

司河務平谷改屬霸昌道乾隆八年以平谷縣直隸順天府民國初年改順天府為京兆特別區領縣二十平谷其一也十

七年國都南遷裁京兆區劃歸河北平谷縣屬河北省

平谷縣志

卷一

沿革

三

平谷於北魏時曾省入潞縣因此論者有謂漢及三國魏所置之平谷縣在今通縣地考後漢書光武紀建武元年北擊尤來大搶五幡賊入漁陽迺遣吳漢等十二將軍追戰於潞東及平谷大破滅之按潞縣故城在今通縣東其追戰於潞東及平谷則平谷距今之通縣遠矣可證昔之平谷非在今通縣地此一說也矧其書平谷句下註云平谷縣屬漁陽郡故城在今潞縣北按後漢書乃唐章懷太子李賢註所稱今潞縣者係指唐時而言唐代潞縣在今三河縣地考明代平谷志載平谷故城在今縣城西北十二里正居三河之北與

註所云方向脗合。以此則昔之平谷，非在今通縣地。又一說也。考水經注載：如河水出北山，山在儂奚縣故城東南。東南流逕平谷縣故城西，而東南注於洵河。按如河在今平谷縣城西八里，至西南與洵河匯流。入三河境。三河即以洵如通縣在平谷西南，其縣之東界與平谷之西界相距約七十里。以方向遠近論，如河何能流逕今通縣境內。以此則昔之平谷，非在今通縣地。又一說也。考其謂漢置之平谷，在今通縣地者，乃據光武紀註作在潞縣北，以為證。而未細察其著書人之時代，與潞縣縣治之遷移也。此皆講沿革所應考徵者。

平谷縣志

卷一

沿革

四

故誌於茲編之後云。

疆域

昔禹敷土以別州境莫高山大川以表州鎮而疆域之制以興凡平邑四面邊界之村莊及距離鄰縣縣界之里數亦當詳細以載焉使有定守而不相侵越志疆域

正南距城十二里至青龍山偏西距城十五里至辛店南莊窠皆與三河縣連界又偏東距城十五里至望京山南拉鞭溝皆與薊縣連界

東南距城二十里至大嶺偏東距城三十里至白土嶺暗峪寺又偏東距城四十里至石塘峪皆與薊縣連界

平谷縣志

卷一 疆域

五

正東距城四十里至塌山集偏南距城四十五里至上堡子皆與薊縣連界又偏北距城三十里至四祖務之勝水寺東與薊縣連界

東北距城二十里至文家莊三十里至白雲寺偏西距城二十里至峨眉山營皆與薊縣連界

正北距城十五里至瑞屏山偏東距城二十里至漁子山又偏西距城二十五里至蕭家嶺黑窩子北土門莊皆與密雲縣連界

西北距城二十里至下箭務偏南距城十五里至蓮花潭十二

里至城子莊皆與三河縣連界。  
正西距城十里至魯各莊偏北距城十里至白各莊偏南距城  
十里至周村莊又偏南距城十五里至西鹿角莊西皆與三  
河縣連界。  
西南距城十一里至靄靄莊又自靄靄莊西南三里至趙家務  
莊窠又西南三里至高家莊共十七里皆與三河縣連界。

市鄉

都邑者，市鄉社屯之積也。市鄉社屯者，人民聚居之所也。必其里居根抵盤固，然後能發揮其力量，操作其職業。凡國家之賦稅，地方之捐輸，亦咸由此出。使市鄉之耗乏，乃為政者所深憂。仁人君子，尚圖有以寬之。明初平邑編戶十三里。寨社鹿角社、獨樂社、坊廓社、日勤屯、遷民屯、泰務屯、祖務屯、高村屯、安固屯、廣成屯、負廓屯、廣儲屯。成化八年併為七里。後又改為八里。至有清末葉，舉辦自治，全縣劃分東一、東二為六區。民國五年改併五區。至十七年又併為三區。此里區之變遷也。至於村莊，有昔為村落，今成田地，昔為

平谷縣志

卷一 市鄉

七

阡陌，今成閭閻者，此村莊之變遷也。故分紀昔之社屯村莊於前。今之區鎮鄉村於後。俾後來知其變遷之迹也。志市鄉集市。

舊志在城每月五日十日。

峨嵋山營并竭山每月四日九日。

現時城關每一旬三五八十月為集期。

峨嵋山營集市今廢。竭山歸薊縣管轄。

新立獨樂鎮每一旬四日九日為集期。

社屯

舊志辛寨社  
在縣西北  
鹿角社  
在縣西南  
獨樂社  
在縣東北

坊廓社  
在城北  
泰務屯  
在縣東  
日勤屯  
在縣北

負廓屯  
在縣北  
廣成屯  
在縣北  
龍家務  
在縣北

村莊  
舊志馬家莊  
三里  
張家莊  
六里  
夏家莊  
十里

安固屯  
八里  
黃土崗  
八里  
北泰務  
十里

南泰務  
十里  
中泰務  
十里  
大王務  
十五里

賢堂莊  
十里  
以上俱在縣東境

以上俱在縣東境

平谷縣志 卷一 市鄉

楊家莊  
四里  
稻地莊  
十里  
大王務  
十五里

以上俱在縣東南境

寺渠莊  
二里  
小碾頭莊  
四里  
東高村  
八里

新店  
十里

以上俱在縣南境

西高村  
八里  
寧靈莊  
十二里  
高家莊  
十五里

以上俱在縣西南境

馬圈莊  
四里  
閻家莊  
四里  
東鹿角莊  
六里

趙家莊  
六里  
西鹿角莊  
八里  
岳家莊  
八里

平谷縣志

卷一 市鄉

九

齊家莊	以上俱在縣西北境	井兒峪	蓮花潭	白家莊	賈家莊	以上俱在縣西境	魯家莊	北臺頭莊
五里		里二十	里十五	十里	四里		十里	九里
羅家莊			下箭務	城子莊	大新寨			南臺頭莊
八里			里十五	里十二	八里			九里
東胡家務			安駕會	放光莊	小新寨			周村
十里			里十五	里十三	七里			十里

滑子莊	水峪莊	北獨樂河莊	峯臺	南歷西莊	下紙寨	以上俱在縣北境	北管村	中胡家務
里三十	里二十	里二十	里十八	十里	一里		里十二	十里
上馬家莊	瀦水莊	甘營	南獨樂河莊	北歷西莊	上紙寨			宋家莊
里三十	里二十	里十八	里二十	十里	三里			十里
祖務莊	海子莊	望馬臺	文家莊	山東莊	橋頭營			西胡家務
里三十	里二十	里二十	里二十	里十五	六里			十里



上寨莊

三十里

新開峪

四十里

紅石崖莊

五十里

高家堡

五十里

以上俱在縣東北境

現時區鎮鄉村

第一區位縣之西南境所屬共二鎮二十六鄉

第一鎮城內鎮

第二鎮西關鎮

第一鄉東寺渠莊

第二鄉下紙寨莊

第三鄉西寺渠莊

第四鄉上紙寨莊

第五鄉馬各莊

第六鄉張各莊

平谷縣志

卷一

市鄉

十

第七鄉楊各莊

第八鄉賢王莊

第九鄉稻地莊

第十鄉東高村

第十一鄉大王務

副鄉辛店

第十二鄉西高村

第十三鄉霑霑莊

第十四鄉西鹿角莊

第十五鄉東鹿角莊

第十六鄉趙各莊

第十七鄉周村莊

第十八鄉岳各莊

第十九鄉賈各莊

第二十鄉北台頭莊

第二十一鄉捻頭莊

第二十二鄉龍家務莊

第二十三鄉楊莊窠莊

平谷縣志

卷二 市鄉

十一

第二十四鄉前台頭莊  
第二十五鄉趙家務莊窠

第二十六鄉高莊

第二區位縣之東境所屬共二十一鄉

第一鄉南獨樂河莊  
第二鄉峯台莊

第三鄉北獨樂河莊  
第四鄉東文家莊

第五鄉胡莊  
第六鄉韓莊

第七鄉晏莊  
第八鄉滑子莊

第九鄉上寨莊  
第十鄉郭家屯

第十一鄉東馬各莊  
第十二鄉水峪莊

第十三鄉洙水莊  
第十四鄉南山莊

第十五鄉望馬台莊  
第十六鄉甘營莊

第十七鄉南泰務莊  
第十八鄉北泰務莊

第十九鄉安固莊  
第二十鄉夏各莊

第二十一鄉新開峪

第三區位縣之西北境所屬共三十鄉

第一鄉瀝津莊  
第二鄉張辛莊

第三鄉西文家莊  
第四鄉山東莊

第五鄉小北關  
第六鄉大北關

平谷縣志

卷二

市鄉

十二

第七鄉東胡家務

第八鄉上營莊

第九鄉北土門

第十鄉井兒峪

第十一鄉楊家會

第十二鄉下箭務

第十三鄉放光莊

第十四鄉城子莊

第十五鄉白各莊

第十六鄉魯各莊

第十七鄉小辛寨

第十八鄉大辛寨

第十九鄉西胡家務

第二十鄉羅家莊

第二十一鄉熊耳營

第二十二鄉中胡家務

第二十三鄉興隆莊

第二十四鄉橋頭營

第二十五鄉李辛莊

第二十六鄉杜辛莊

第二十七鄉太平莊

第二十八鄉蓮花潭

第二十九鄉齊各莊

第三十鄉王辛莊

面積

平谷縣東西廣五十五里，南北長四十五里，面積共一千一百六十方里。

附註 查平谷縣三面環山，境內且多石河，考山地所佔面

積約四百七十五方里，其中可耕者當五分之一，為九十

五方里，石河所佔面積約一百四十五方里，河流所佔面

積約六十二，又十分之五方里，道路所佔面積約五十八

方里，鄉村所佔面積約一百一十六方里，合計不可耕之

地為七百六十一，又十分之五方里，其餘可耕者，只有三

平谷縣志

卷二

面積

十三

百九十八，又十分之五方里。

山脈

攷平谷縣境山脈，係屬陰山分支之燕山脈，由西北沿長城之南，蜿蜒而來，入於境內，則又分支北、東、南各方，羣山攢簇，屏障城垣，其形勢名稱，暨距城遠近，均應詳紀，以見峯巒之勝概也。志：山脈。

雙髻山

在縣城西北十五里，雙峰聳峙，蟠結若鬢，故名。山麓有藥王廟，上有王母宮。

墩臺山

在雙髻山左側，巉巖如削，突兀排空，視雙髻山若土阜耳。上有頽垣故趾，望之如城。

平谷縣志

卷二 山脈

十四

瑞屏山

隆寺

在縣城北十五里，連峰秀列如屏，上有石臺，下有興

漁子山

在縣城東北十五里，上有軒轅廟。

峨眉山

在縣城東北二十里，層巒秀起，雙蛾如畫，故名。平邑八景之五，曰峨眉聳翠。

靈泉山

善寺，一名水峪寺。

在縣城東北二十里，山麓有龍王廟，右側里許有興

柏子山

在縣城東北二十里，

妙峰山

在縣城東北二十五里，奇峰聳秀，下有九姑泉。

雞足山 在縣城東北四十里，下有三泉寺。

城山 在縣城東北五十里，四山高聳，中平如城，故名。

喝山 在縣城東四十里，峰巒峭峻，林谷深邃，上有雙泉寺。

暗峪 在縣城東南二十里，內有龍泉寺。

盤山 在縣城東三十里，本名四正，古有田盤先生居此，因

名盤山，亦名東五臺，高二千仞，周百餘里，分為上盤、中盤、下

盤，清高宗屢幸此，建行宮，曰靜寄山莊。平邑八景之一，曰盤

陰積雪。

峴山 在縣城南十里許，上有龍潭，值歲旱，禱雨，取水於此。

平谷縣志

卷一 山脈

泉水山 在縣城南八里，下有泉，逆流河發原處也，灌稻田十

數頃，民賴其利，有村落，名曰稻地。

鼓形嶺 在縣城南十五里，山形如鼓，上有孔，每旦雲氣浮出，

故名。平邑八景之三，曰鼓頂朝雲。

河流

平谷縣境以洵河如河為鉅流春冬作橋梁夏秋用舟楫以濟行人沿河田園多資灌溉惟雨水漲發亦恒罹水患此外支流繁布境內茲將河流之發源經流匯合分述於是編以為講水利者助志河流

洵

河 在縣城東北源出口外入薊之黃崖口廣漢川俗稱

頭道河迤邐西流入平谷境逕紅石坎又西七里逕韓家莊南又三里逕洙水莊又五里逕獨樂鎮獨樂河北來注之西流逕峯台瀝津等莊由城東門外與馬家莊河合流逕西高

平谷縣志

卷一 河流

十六

村東西鹿角等莊入三河境至賢坨界會于白龍港平邑八景之四曰洵水晚渡

竹書紀年齊師及燕戰於洵水齊師遁即此水也

酈道元水經註洵水出北平無終縣西山白楊谷北西流逕平

谷縣界屈西左合盤山水旋西南流獨樂水入焉又西逕平

谷縣故城東南與如河會又南逕絳城東而南合五百溝水

水出七山東北逕平谷縣之絳城南東入於洵河又南逕臨

河城北屈而歷其城東側城南又南入鮑邱水

顧祖禹方輿記要洵水在薊州北四十里名廣漢川俗名廣

厓川發源黃厓口一支西南流經盤山之陰入平谷為洵河

如河源出密雲縣石峨山南流經平谷縣入於洵河

水經註水出北山山在僂奚縣故城東南東南流逕博陸故

城北又屈逕其城東又東南流逕平谷縣故城西而東南注

於洵河

獨樂河在縣東北二十里或伏或見斷續無常西流入於洵

河平邑八景之八曰獨樂晴波

水經註水出北抱犢南逕平谷縣故城東南流入於洵

盤山水水經註云水出山上其山峻險人迹罕交去山三十

平谷縣志

卷一 河流

里望山上可高二十餘里素湍皓然頽波歷溪沿流而下自

西北轉注於洵河

逆流河一名小碾河在縣城南發源泉水山下西南流九十

九曲入於洵河

馬莊河在縣城東三里源出瀝津紙寨等莊入於洵河

周村河在縣城西十里入於如河

雙泉河源出雙髻山下雙泉湧出流為河故名其流甚微折

葦可渡西南流會清溝河入於如河

清溝河源出縣城北五里許杜平莊後西南流會雙泉河入



於如河

靈

泉

在靈泉山麓龍王廟神座下水高地數尺山下接修

土梗引水西行穿水峪寺而過至文家莊沿村遶舍宛轉環

流居人隨意引入田園以資灌溉平邑八景之七曰靈泉玉漱

按明史此泉乃徐貞明所治貞明隆慶五年進士仕工科給

事中上水利議謂畿輔諸郡或支河所經或澗泉自出皆足

以資灌溉北方未習水利惟苦水害不知水害未除正由水

利未興也蓋水聚則為害散則為利元虞集欲於京東濱海

地築塘捍水以成稻田若仿集意募南人為倡引水成田庶

平谷縣志

卷一

河流

十八

東北儲蓄常充矣後著潞水客談論水利當興者十四事言

西北之地旱則赤地千里潦則洪流萬頃雨暘時若庶幾樂

歲無飢此可常恃乎哉惟水利興而後旱澇有備萬厯十三

年用給事中王敬明薦以尚室少卿兼監察御史領墾田使

貞明乃先治京東州邑如平谷水峪寺龍家務莊及三河塘

會莊順慶屯稍有水田並密雲薊州遵化豐潤玉田等處共

墾水田三萬九千餘畝

龍泉井在縣城東北十五里永樂年間駕嘗駐蹕於此因鑿

是井故名

龍潭 一在縣城南大王務十餘里。一在縣城東北龍王廟。

二十二里。

平谷縣志

卷一 河流

交通	縣道	縣治西南一百里達通縣一百四十里達北平	縣治正南四十里達三河縣	縣治東南九十里達薊縣	縣治東北一百四十里達興隆縣	縣治西北九十里達密雲縣	縣治正西九十里達順義縣	渡口
----	----	--------------------	-------------	------------	---------------	-------------	-------------	----

平谷縣志

卷一 交通

東河渡	楊各莊渡	鹿角莊渡	寺渠渡	周村渡	岳各莊渡	以上各渡口春冬有橋梁以濟行人夏秋山水漲發時則撤去用舟楫以便往來	航路	縣治南寺渠莊洶河為泊船之所由河路運輸往返天津唐山一帶	汽車路	由縣城直達通縣北平春冬通車夏季橋梁撤後停止
-----	------	------	-----	-----	------	---------------------------------	----	----------------------------	-----	-----------------------

電話

電話局設縣城內，通北平天津。

郵路

郵寄代辦所，設城內，每日畫班城南四十里至三河縣。

平谷縣志

卷一

交通

三十一

古蹟

杜甫過宋玉故宅而作詩以慨蘇子登桓山周覽而援琴以

歌凡今人于古人之不可見者觀其往蹟輒徘徊不忍捨去

夫信而好古仲尼猶然况其下者乎黍離興悲秋露增感存

古之廢正所以著今之興也鑒戒之意良寓于茲矣志古蹟

古縣城

在縣西北十二里即城子莊

石室

在縣城東五十里城山其室僅容一人相傳孫真人

潛修於此平邑八景之二曰石室清風

峯臺

在縣城東北十八里峯臺莊西臺今廢平邑八景之

平谷縣志

卷二 古蹟

二十二

六曰峯臺夕照

看花臺

在縣城南五里逆流河西相傳金章宗看花於此遺

址尚存

望馬臺

在縣城東二十里有村落即以臺名

摩鼓臺

在縣城東二十里

發箭臺

在縣城北二十里瑞屏山相傳金章宗出獵登此三

臺觀逐獸

按金史稱章宗獵於近郊與邑志所載有合也

紅泥洞

在縣城南十五里

壇廟	社稷壇	風雲雷雨山川壇	軒轅黃帝廟	八蜡廟	邑厲壇	真武廟	東嶽廟	關帝廟	城隍廟	二郎神廟	火神廟	崔府君廟	龍王廟	馬神廟	覺雄寺	會司 <small>今廢</small>	慈福寺
	在城外西北	在城外東南	在縣城北	在縣城西南	在城外正北	在縣北城上	在縣西門外	在縣西門甕城內	在縣治北	在縣城南	在縣城南門外	在縣城東北	在縣城南	在縣治西	在縣治西	在山東莊西北	在山東莊西北
	洪武七年建	洪武七年建	洪武七年建	洪武七年建	洪武七年建	今廢	洪武年間建	元至元年建	洪武年建	嘉靖二十年重修		嘉靖二十年建	渠莊	渠莊	嘉靖十三年建	今廢	正統九年建
	今廢	今廢	今廢	今廢	今廢		正統十年	明成化六年				渠莊			嘉靖八年重修		正德四年
							縣丞張鐸重修					渠莊			內有僧		

平谷縣志

卷一

古蹟

重修今俗稱山東寺

臨泉寺 在東高村東一里至縣八里大遼時建嘉靖二十七年

年重修今俗稱高村寺

興隆寺 在瑞屏山下至縣二十里元大德元年建宏治年間

重修今俗稱蕭家院

香嵐寺 在漁子山寨南二里至縣二十里金明昌三年建嘉

靖二十四年重修今俗稱獨波峪寺

興善寺 在峨嵋營東二里至縣二十里唐咸通三年建正統

八年重修寺之東北一里許靈泉山下有泉出焉經流于寺

平谷縣志

卷一 古蹟

今俗稱水峪寺

白雲寺 在黑豆峪寨北至縣二十五里金皇統四年建明宏

治十二年重修今俗稱繼廣寺

勝水寺 在祖務莊東至縣三十五里今俗稱閣兒寺

雙泉寺 在喝山集東至縣四十里金明昌年建

三泉寺 在上馬家莊東北至縣三十五里金永安二年建

龍泉寺 一在盤龍山西至縣三十里元至正四年建嘉靖二

十四年重修今稱暗峪寺 一在北瀝西莊至縣十里元至正四年建嘉靖二十七年

重修今俗稱瀝西寺

一 在井兒峪東至縣二十五里元至正十年建嘉靖二十

年重修今稱井兒峪寺

安固寺 在縣東八里

淨寧寺 在西鹿角莊至縣八里金大定二十年建今俗稱鹿

角寺

淨嚴寺 在大辛寨至縣八里遼天慶十年建正德元年重修

今俗稱辛寨寺

石佛寺 在東胡家務北至縣十里元至正二年建

平谷縣志

卷二 古蹟

喝山寺 在喝山集東至縣四十里元至元三年建

會雲庵 在水峪莊南至縣三十里永樂二十年建

彌陀庵 在稻地莊至縣十里正德年間建嘉靖二十六年重修

朝陽觀 在縣治東南永樂年間建內有道會司今改高等小

學校

延祥觀 在南獨樂河莊至縣二十里元至元二十六年建

陵墓

軒轅陵 俗傳在縣東北十五里漁子山下今山上有軒轅廟

漢將馬成墓 在縣東二里有碑



葆真太師墓 在縣東北二十里，今獨樂河莊有碑。

巨構墓 金節度使，在縣南八里有碑。

金花公主墓 在縣東三十里上馬各莊，舊傳金章宗女于此。

其墓兩山相抱，從崖口鑿石穴，用四銅環以懸棺木，引海子

水流入于內，其深莫測，至今捕魚者猶或見之。

張格墓 金轉運使，在縣北八里。

張伯道墓 元都元帥府經歷。

張居仁墓 元奉訓大夫，在縣東北十五里。

張仲文墓 元奉訓大夫，在縣東北十五里。

平谷縣志 卷二 古蹟 二十六

張德温墓 元進士，在縣東北十五里。

金純墓 明山西布政使，在縣城北門外。

金濂墓 明山東運使，在縣城北門外。

張禴墓 明僉都御史，在縣西北七里，如河西岸。

王鐘墓 按察副使，在縣西北賈各莊東南。

倪光薦墓 明工部尚書，在北門外，與金氏墓相望，有翁仲石獸。

倪氏祖墓 在縣城西南里許，有馳封三代碑。

王札墓 清陝西靖寧州知州，入忠義祠，在峯臺莊南里許，高

坂上，有諭祭碑。

王國璜墓	都司經歷	在縣北十五里放光莊南盤龍港有墓
表及崇祀鄉賢碣		
楊春墓	在城西北半里許	明營州中屯衛世襲指揮同知原籍湖州府人至其七世楊加猷立石表墓
牛坤墓	在東門外	洵河東岸原籍天津人嘉慶年徙居城內
官翰林院侍讀學士	雲南提督學政	
徐壽朋墓	在城北三里	保陽人清光緒年出使韓國大臣任
外務部左侍郎		
關隘		

平谷縣志

卷一 關隘

將軍石營提調	統本營	峨嵋山營	黃松峪關
將軍石關	彰作裏關	黑水灣寨	峨嵋山寨
以上俱屬	薊州兵備道	并馬蘭峪營	叅將所轄
鎮羅關提調	統本營	熊兒峪營	南水峪關
北水峪關	熊兒峪寨	灰峪口寨	漁子山寨
以上俱屬	密雲兵備道	并墻子嶺	叅將所轄

名勝	興善寺又名水峪寺建自唐咸通三年於北山腰建大悲閣	奉十手千眼佛高三丈餘左右側立像高半之東西墻壁塑	諸天神像北面塑懸山分十八洞洞塑羅漢一閣之二層四	壁皆塑小金佛高七寸三面皆滿相傳名千佛山閣西依峭	壁石隙中生古柏一株蒼鬱參天蓋數百年物閣前山坡下	建真武殿又前為地藏菩薩殿其內貯經十二櫃又前為卧	佛殿又前為如來殿殿前東西置配殿依東配殿置鐘樓懸	銅鐘又前為金剛殿又前約數丈有山門三座環以墻垣寺
----	-------------------------	-------------------------	-------------------------	-------------------------	-------------------------	-------------------------	-------------------------	-------------------------

平谷縣志

卷一 名勝

二十八

之東為禪院正面依山麓建樓五楹東西禪舍各三間南舍	五間寺址宏敞樓殿崔巍遠近寺院無出其右者寺東一里	許靈泉湧出依山路西流路中斷接以石橋而凹其中兩旁	行人凹中受水又作孔使水半漏橋下飛珠噴玉若驟雨聲	名漏橋垂瀑半仍西行入寺內寺之西禪舍為庖厨內有方	井深約二尺水過其中將菜饌置木盤中放井內聽其自然	流行穿寺而西在溪邊可坐待其流至取用之較曲水流觴	更為奇絕寺內外喬木陰陰山花簇簇四時有景入夏尤佳	巖泉之勝莫能殫述
-------------------------	-------------------------	-------------------------	-------------------------	-------------------------	-------------------------	-------------------------	-------------------------	----------

興隆頂在縣治東北二十里建碧霞元君殿其後建玉皇殿山半有觀音廟又前為山神廟其下為回香庭其南建戲樓每歲四月十八日演劇為廟會遠近男婦攜酒而遊者紛如螳聚東西山麓幾無隙地縣治東北山東莊之西有山崗阜隆然形如大塚相傳為軒轅坟然無實錄可稽真贗莫辨上有軒轅廟亦不知建自何代廟內碑文引唐陳子昂軒轅臺詩北登薊邱望求古軒轅臺應龍已不見牧馬空黃埃尚想廣成子遺跡白雲隈以證其處又禮樂記載封黃帝之後於薊以此則所傳非無因耳

平谷縣志

卷一

名勝

二十九

邑屬北土門村居山谷中村東南有地穴焉牧兒戲測其深淺刈葛繫石繩使下葛盡復續終日而葛直無稍曲或投以石聲始鉅久之漸遠漸微訖無聲而止有風自穴出習習然牛羊誤墜無得出者蓋無底谷也乾隆間村有乞者為山東人因其年壯勸使為傭殊強橫醉後稍忤之詈且毆無敢禦者會中秋乞者醉聞穴之異以胆自負欲繩而探之自縛長綆於腰而繫其一端於棘上緣而下未半綆斷而墜不知龍潭水勢淵深相傳舊有尼庵幼尼出行汲忽內急而溺於縣治西北二十里山勢高聳疊嶂環抱中心砥平西山下有

潭側潭中龍因有人道之感孕而生女棄之山陬鄰村蕭姓者憐而養之長而聰慧後入遼宮為后主卒子幼后即專政遂有蕭太后之稱至今其地名蕭家院中有僧廟遺古碑一皆蒙古文土人莫之能識

邑西南七里西高村莊後沟河之北岸有白馬泉形如大池如人緩步禁聲而至泉水上湧亦不甚急若大聲急呼或頓足而咳則水勢涵湧騰如沸湯或投以石浮而不沉仍湧至岸舊傳泉中有白馬恒夜出食禾稼人逐之輒入水中今則泉水清淺白馬亦杳然無迹而泉之名尚仍舊云

平谷縣志

卷一 名勝

縣城南偏東有山名聖京山高於衆山其頂平坦天氣清朗時登之遠眺能見京師即今北平也

白雲寺距城三十里居衆山之間南五里至黑豆峪寨隣薊縣界東至東嶺北界長城西連山谷奇峯疊聳高者岿然低者洼然望之皆深秀而蔚然寺中有古柏五株蒼翠參天寺前有泉咽而不流取之不竭山四圍草木叢茂春夏間山鳥爭鳴野芳競秀入寺中其幽僻清靜之趣令人心神冥合萬慮皆空誠異境也寺創自金皇統四年重修於明宏治十二年清初亦加修補云

邑東雞足山，中峯南向而高聳，左右兩峯若相拱揖，萬株翠栢鬱密滿山，其中古寺建於金大定年間，寺前泉水漑出而三泉獨大，因以名寺，衆泉匯流自寺至南山口，彌望汪洋，水石相激，潺潺有聲，山之東地名黃草凹，復有泉水一道，與山口之水匯而西流，即成巨川，有水碾數盤，迤南又有橫山，遠照境異景幽，為盤陰第一名勝也。

平谷縣志

卷一 名勝

平谷縣志卷一終



